

**Bosna i Hercegovina**  
**Federacija Bosne i Hercegovine**  
**Bosansko-podrinjski kanton Goražde**  
**VLADA KANTONA**

---

Broj: 03-11-287-2/23  
Goražde, 19.04.2023.godine

Na osnovu člana 42. Zakona o izvršenju budžeta Bosansko-podrinjskog kantona Goražde za 2023. godinu ("Službene novine Bosansko-podrinjskog kantona Goražde", broj: 1/23), a u skladu sa Programom utroška sredstava Vlade sa ekonomskog koda 614300 – BAN 002– Tekući transferi neprofitnim organizacijama - vjerskim zajednicama, broj: 03-11-287-1/23 od 20.02.2023. godine, Vlada Bosansko-podrinjskog kantona Goražde, *r a s p i s u j e*:

**J A V N I P O Z I V**

**za prijavu prijedloga projektnih aktivnosti za učešće u Programu utroška sredstava  
Vlade Bosansko - podrinjskog kantona Goražde sa ekonomskog koda 614300 – BAN 002–  
Tekući transferi neprofitnim organizacijama - vjerskim zajednicama**

**I. Predmet javnog poziva**

Predmet javnog poziva je dodjela novčanih sredstava za pomoć realizaciji projekata kao i rad vjerskih zajednica na području Bosansko-podrinjskog kantona Goražde, a što je osnovni cilj Programa utroška sredstava Vlade Bosansko-podrinjskog kantona Goražde sa ekonomskog koda 614300 – BAN 002 - Tekući transferi neprofitnim organizacijama – vjerskim zajednicama (u daljem tekstu: Program).

Vlada Bosansko-podrinjskog kantona Goražde je predvidjela da se projekti mogu realizovati u toku cijele budžetske godine, podnoseći obrazložen zahtjev Vladi za odobravanje sredstava.

Vlada Bosansko-podrinjskog kantona Goražde će razmatrajući opravdanost podnešenih zahtjeva svojom odlukom odobravati sredstva za realizaciju istih.

**II. Pravo prijave na javni poziv**

Pravo prijave prijedloga projektnih aktivnosti na javni poziv imaju vjerske zajednice na području Bosansko-podrinjskog kantona Goražde, uz ispunjavanje općih i posebnih uslova programa.

**III. Kriteriji za raspodjelu sredstava**

**Opći uslovi i posebni uslovi**

Sredstva iz budžeta će se dodjeljivati korisnicima srazmjerno njihovom doprinosu u ostvarivanju općih i posebnih ciljeva i očekivanih rezultata programa.

## **Opći uslovi za učestvovanje u Javnom pozivu**

Opšti uslov za dobijanje sredstava po ovom Javnom pozivu je da su vjerske zajednice registrovane na području Bosansko-podrinjskog kantona Goražde, odnosno da imaju vjerske objekte ili institucije na području Bosansko-podrinjskog kantona Goražde ili u opštinama jugoistočne Bosne.

## **Posebni uslovi za učestvovanje u Javnom pozivu**

Posebni uslovi za dobijanje sredstava po ovom Javnom pozivu su da projekti ili zahtjevi koji budu podnešeni prema Vladi Bosansko-podrinjskog kantona Goražde se odnose na pomoć u radu i funkcionisanju vjerskih zajednica na području našeg kantona.

Projekti ili zahtjevi koji se podnose moraju se odnositi na promociju vjerskih prava i sloboda, pomoć u izgradnji ili sanaciji vjerskih objekata, promocija i izdavanje knjiga, edukacija iz oblasti vjere i religija, te drugim pitanjima od značaja za rad i funkcionisanje vjerskih zajednica i institucija na području Bosansko-podrinjskog kantona Goražde.

Projekti ili zahtjevi moraju imati afirmativni karakter za Bosansko-podrinjski kanton Goražde i istim se ni na koji način ne smiju ograničavati prava drugih ljudi na vjerska prava i slobode.

Prijedlozi projekata sa visinom sredstava dostavljaju se od strane vjerskih zajednica na području našeg kantona i općina u Jugoistočnoj Bosni. u aplikativnoj formi najkasnije do 10.12.2023.godine.

Aplikativni formular sastavni je dio ovog Programa.

Odluku o odobravanju sredstava donosi Vlada Bosansko-podrinjskog kantona Goražde nakon čega će se zaključiti ugovor o sufinansiranju do odobrenog iznosa.

## **IV. Odabir korisnika i dodjela sredstava**

Sve dostavljene prijedloge projektnih aktivnosti razmatra, ocjenjuje i donosi konačnu odluku Vlada Bosansko-podrinjskog kantona Goražde.

## **V. Obrazac prijave**

Obrazac prijave je sastavni dio Javnog poziva.

## **VI. Preuzimanje Javnog poziva**

Javni poziv sa obrascem prijave može se preuzeti na internet stranici Vlade Bosansko - podrinjskog kantona Goražde [www.bpkg.gov.ba](http://www.bpkg.gov.ba) te u prostorijama Ureda Premijera i Vlade Bosansko - podrinjskog kantona Goražde (ulica 1. slavne višegradske brigade 2a)

## **VII. Rok za podnošenje prijava**

Ovaj Javni poziv je otvoren do 10.12.2023.godine, i prijave se dostavljaju na adresu:

**Bosansko – podrinjskog kantona Goražde**  
**Vlada Bosansko-podrinjskog kantona Goražde**  
**(Komisija za pregled i ocjenu prijedloga projektnih aktivnosti)**  
**1. Slavne višegradske brigade 2a Goražde**

## **VIII. Način objave**

Javni poziv se objavljuje na zvaničnoj internet stranici Vlade Bosansko – podrinjskog kantona Goražde kao i oglasnoj ploči Kantona.

Zainteresovana lica za dodatne informacije u vezi sa realizacijom Javnog poziva mogu dobiti u Uredu Premijera i Vlade Bosansko - podrinjskog kantona Goražde na telefon: 038/221-212.

Vlada Bosansko - podrinjskog kantona Goražde zadržava pravo poništenja ovog poziva do odabira korisnika sredstava, bez obaveza pismenog ili usmenog obrazloženja kao i bez obaveza snošenja troškova za podnošenje zahtjeva po ovom pozivu.

**S E K R E T A R**

*Emir Sijerčić dipl.iur.*